

Adroddiad ar gyfer	Y Panel Gweithredol
Dyddiad	14 Mai 2018
Swyddog Arweiniol	Prif Swyddog Tân
Swyddog Cyswllt	Prif Swyddog Tân (01745) 535253
Pwnc	Trefniadau llywodraethu a chyllid ar gyfer ATAau yng Nghymru



PWRPAS YR ADRODDIAD

- 1 Rhoi'r wybodaeth ddiweddaraf i'r Aelodau am y newidiadau arfaethedig i drefniadau cyllid a llywodraethu'r awdurdodau tân ac achub (ATAau) yng Nghymru.

CRYNODEB GWEITHREDOL

- 2 Mae Ysgrifennydd y Cabinet dros Lywodraeth Leol a Gwasanaethau Cyhoeddus wedi mynegi ei fwriad i newid trefniadau cyllid a llywodraethu presennol yr ATAau yng Nghymru. Mae'r adroddiad hwn yn cynnwys ymateb yr ATAau i'r ohebiaeth ddiweddar.

ARGYMHELLIAD

- 3 Bod yr Aelodau'n nodi'r ohebiaeth ac yn cael yr wybodaeth ddiweddaraf gan y Cadeirydd.

SYLWADAU'R PANEL GWEITHREDOL/PWYLLGOR ARCHWILIO

- 4 Nid yw'r mater wedi cael ei ystyried gan y Pwyllgor Archwilio.

CEFNDIR/GWYBODAETH

- 5 Bydd yr Aelodau'n ymwybodol o gynlluniau Ysgrifennydd y Cabinet dros Lywodraeth Leol a Gwasanaethau Cyhoeddus i newid trefniadau cyllid a llywodraethu'r ATAau yng Nghymru.
- 6 Yng nghyfarfod yr Awdurdod ym mis Mawrth 2018 cafodd yr Aelodau gopi o lythyr gan Ysgrifennydd y Cabinet yn nodi'r hyn sydd, yn ei farn ef, yn faterion allweddol sy'n dylanwadu ar ei awydd i ddiwygio. Cafodd yr Aelodau wybod hefyd y byddai ymateb i'r llythyr hwn yn cael ei anfon ar ran y tri ATA yng Nghymru. Mae copi o'r ymateb yn Atodiad 1, ynghyd â chopi o lythyr gwreiddiol Ysgrifennydd y Cabinet i gyfeirio ato'n hwylus.

- 7 Hefyd, cyfarfu cadeiryddion y tri ATA yng Nghymru ag Ysgrifennydd y Cabinet ar 30 Ebrill i drafod y mater ymhellach. Bydd y Cadeirydd yn rhoi'r wybodaeth ddiweddaraf ar lafar yn y cyfarfod heddiw.

GOBLYGIADAU

Amcanion Llesiant	Dim, ar hyn o bryd.
Cyllideb	Byddai newid trefniadau ariannol a llywodraethu'r Awdurdod yn gallu effeithio ar sefyllfa cyllideb yr Awdurdod yn y dyfodol. Ar hyn o bryd, ni chyllidebwyd ar gyfer unrhyw gyngor cyfreithiol a allai fod angen.
Cyfreithiol	Mae materion cyfreithiol posibl yn bodoli mewn perthynas â newid, neu ddiddymu, Gorchymyn Gwasanaethau Tân Gogledd Cymru (Cynllun Cyfuno) 1995. Efallai y bydd angen cyngor cyfreithiol yn y dyfodol.
Staffio	Dim, ar hyn o bryd.
Cydraddoldeb/Hawliau Dynol/Y Gymraeg	Dim, ar hyn o bryd.
Risgiau	Mae'n bosibl y bydd unrhyw newid yn nhrefniadau llywodraethu ac ariannol yr Awdurdod yn effeithio ar ei allu i ddarparu gwasanaethau priodol i'r gymuned yng Ngogledd Cymru, yn enwedig os bydd effaith negyddol ar sefyllfa'r gyllideb.